

JAVNO PREDUZEĆE "KOMUNALNO" d.o.o. BANOVIĆI

Broj: 05-838 /2020
Datum: 23.09.2020. godine.

U skladu sa Zakonom o radu Federacije BiH ("Službene novine Federacije BiH", broj: 26/16 i 89/18), Statuta JP "Komunalno" d.o.o. Banovići (broj: OPU-IP: 61/11 od 24.02.2011. godine), Pravilnika o radu JP "Komunalno" d.o.o. Banovići (broj: 02-63/2019 od 17.06.2019. godine), Uredbe o postupku prijema u radni odnos u Javnom sektoru u Federaciji Bosne i Hercegovine ("Službene novine Federacije BiH", broj: 13/19), Uredbe o postupku prijema u radni odnos u Javnom sektoru u Tuzlanskom kantonu ("Službene novine Tuzlanskog kantona", broj: 4/19), Odluke o potrebi za prijem u radni odnos na neodređeno vrijeme radnika uz obavezan probni rad od 3 (tri) mjeseca (broj: 05-833/2020 od 22.09.2020. godine), i u skladu sa Pravilnikom o prijemu u radni odnos radnika (broj: 04-897/2019 od 18.07.2019. godine), JP "Komunalno" d.o.o. Banovići raspisuje

JAVNI OGLAS

ZA PRIJEM RADNIKA U RADNI ODNOS NA NEODREĐENO VRIJEME UZ OBAVEZAN PROBNI RAD OD 3 (TRI) MJESECA NA SLJEDEĆA RADNA MJESTA

- | | |
|---|-------------------------|
| 01. KV rukovaoc građevinskih mašina | - 1 (jedan) izvršioc i |
| 02. NK radnik na odvozu komunalnog otpada | - 4 (četiri) izvršioca. |

Radnici sa kojima se zasnjuje radni odnos obavljat će poslove sistematizovanog radnog mjesta propisanog sistematizacijom poslova koja je u propisana Pravilnikom o radu Društva.

01. Kratak opis poslova:

Vrši upravljanje i rukovanje sa građevinskom mašinom, vrši kontrolu rada građevinske mašine, odgovoran je za ispravnost i redovno održavanje građevinske mašine kojom rukuje u izvršavanju radnih zadataka i obavlja i druge poslove i radne zadatke po nalogu neposrednog rukovodioca.

02. Kratak opis poslova:

Vrši prikupljanje i utovar komunalnog otpada iz i ispred stambenih zgrada, poslovnih prostorija, preduzeća, ustanova i drugih pravnih i fizičkih lica, vrši čišćenje i prikupljanje rasutog komunalnog otpada oko posuda za otpad (kontejneri, kante i dr.), postavljene kontejnere, kante i druge posude za otpad dužan je vratiti na određeno mjesto i postojeće ramove i obavlja i druge poslove i radne zadatke po nalogu neposrednog rukovodioca.

Opći i posebni uslovi:

Pored općih uslova propisanih Zakonom, kandidati trebaju ispunjavati i posebne uslove utvrđene internim aktima JP "Komunalno" d.o.o. Banovići i to:

Za poziciju 01:

- III stepen stručne spreme, završena škola za kvalifikovane radnike – KV rukovaoc građevinske mehanizacije;
- Položen vozački ispit za vozača "B" i "C" kategorije.

Za poziciju 02:

- I stepen stručne spreme, završena osnovna škola;

Potrebni dokumenti:

Uz prijavu na Javni oglas kandidati su dužni priložiti sljedeću dokumentaciju:

- Prijava (potpisana);
- Kraća biografija, adresa i kontakt telefon (potpisana);
- Uvjerenje o mjestu prebivališta CIPS (ne stariji od 3 mjeseca);
- Uvjerenje o državljanstvu (pod važećim uvjerenjem o državljanstvu podrazumijeva se uvjerenje koje nije starije od 6 mjeseci, pri čemu se navedeni rok računa od dana izdavanja uvjerenja od strane nadležnog organa (a ne od datuma ovjeravanja kopije istog) do dana predaje prijave na konkurs);
- Diploma / Svjedočanstvo o stečenoj stručnoj spremi i
- Kućna lista.

Traženu dokumentaciju dostaviti u originalu ili u ovjerenj kopiji kod nadležnog organa (ovjera ne starija od 3 (tri) mjeseca).

Kandidati koji dokazuju prednost / prioritet u zapošljavanju obavezni su uz prijavu na javni oglas dostaviti odgovarajuću dokumentaciju (potvrde, uvjerenja i sl.) i pozvati se na poseban zakon po kojem imaju prednost.

Napomena za kandidate:

Sa kandidatima koji budu ispunjavali uslove Javnog oglasa obaviti će se intervju (usmeni test), o datumu, vremenu i mjestu obavljanja intervjua kandidati će biti pismeno obaviješteni.

Ako kandidat ne pristupi na intervju, smatra se da je odustao od učešća u Javnom oglasu.

Javni oglas ostaje otvoren 8 (osam) dana od dana objavljivanja u dnevnim novinama "Oslobođenje" i isti se dostavlja JU Služba za zapošljavanje TK.

Prijavu sa traženom dokumentacijom, koja mora biti na jednom od zvaničnih jezika u BiH, dostaviti lično ili poštom preporučeno na adresu:

Javno preduzeće "Komunalno" d.o.o. Banovići, Adresa: Školska, broj: 2, 75290 Banovići, sa naznakom "Prijava na Javni oglas za prijem radnika u radni odnos i navesti redni broj radnog mjesta – NE OTVARAJ".

Nepotpune, neuredne i neblagovremene prijave i prijave kandidata koji ne ispunjavaju uslove ovog Javnog oglasa, kao i kopije dokumentacije koje nisu ovjerene kod nadležnog organa neće se uzeti u razmatranje.

Kandidati će biti pismeno obaviješteni o ishodu javnog oglasa a dokumenti dostavljeni uz prijavu neće se vraćati kandidatima.


Izbor kandidata za prijem u radni odnos vršit će se u skladu sa Pravilnikom o prijemu u radni odnos radnika (broj: 04-897/2019 od 18.07.2019. godine).

Kandidati koji budu izabrani, prije zaključivanja Ugovora o radu su dužni dostaviti ljekarsko uvjerenje nadležne zdravstvene ustanove o zdravstvenom stanju i radnoj sposobnosti za obavljanje poslova radnog mjesta na koje su izabrani, kao i uvjerenje o nevođenju krivičnog postupka.

Sa kandidatima koji budu izabrani zaključit će se Ugovor o radu uz obavezan probni rad u trajanju od 3 (tri) mjeseca. Po isteku probnog perioda nastavak radnog odnosa će zavistiti od ocjene rada radnika koju će dati neposredni rukovodilac.

U slučaju da primljeni kandidat ne zadovolji očekivanja poslodavca u toku probnog rada, prestat će mu ugovor i radni odnos kod poslodavca, bez otkaznog roka i bez ikakvih obaveza poslodavca prema izabranom kandidatu.

Direktor JP "Komunalno" d.o.o. Banovići zadržava pravo odustajanja od Javnog oglasa u bilo kojoj fazi oglasa.


D i r e k t o r
Mustajbašić Nisvet, dipl. kriminalist